



NunaGreen A/S  
Indaleeqqap Aqqutaa 12, kld.  
3900 Nuuk  
Att.: Karen Anne Arleth

**Nuummi erngup nukinganik innaallagissiorfiup -Utoqqarmiut  
Kangerluarsunnguanni innaallagissiorfik, allilerneqarnissaanut atatillugu  
VVM-imi suliasap allanngortinneqarnerata nalunaarutigineqarneranut  
aalajangiineq**

Allakkat ulluat: 09-10-2024  
Suliap nr.: 2023 – 6857  
Akt-id: 24662149

Postboks 1614  
3900 Nuuk  
Tlf. (+299) 34 50 00  
Fax (+299) 34 54 10  
E-mail: pan@nanoq.gl  
www.naalakkersuisut.gl

VVM-imi suliasap ”Nuummi erngup nukinganik innaallagissiorfiup allilerneqarnera - Utoqqarmiut Kangerluarsunnguanni innaallagissiorfik” VVM-inut nalunaarummi<sup>1</sup> ilanngussaq 3 naapertorlugu allanngortinneqarneranut tunngatillugu NunaGreen-imit nalunaarutiginnineq iluarsisaaq, Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfip (Naalakkersuisoqarfip) ulloq 30. september 2024 tiguaa.

Isortuarssup tasiata (ISTA) aamma Kangerluarsunnguup Tasersuata (KANG) akornanni sulluliap ingerlaartitsiviusussap toqqaannartumik nangissutigisaani nukissiorfimmik nutaamik sananissaq eqqarsaatigineqarpoq, tassani siusinnerusukkut sanaartornissamut pilersaarusiornermi Utoqqarmiut Kangerluarsunnguanni innaallagissiorfiup pioreersup nangissutigisaanik nukissiorfimmik nutaamik pilersitsisoqartussaasimalluni. Tamatuma saniatigut nalunaarutiginninnermi allassimavoq, Kang-ip kangisissortaaniittoq sapusiaq piiarneqassasoq, taamaaliornermi Kang-imiit Amerallip kangerluanut aallaqqaammut kuuttoq pilerseqqinneqassalluni.

**Tunngaviusoq**

Nukissiamik ataavartumik mingutsitsinngitsumik atuinikkut pilersuinerup isumannaatsuunera inuiaqatigiinnut annertuumik pingaaruteqarpoq politikikkiknullu eqqumaffigineqarluni. Ulloq 18. december 2023 erngup nukinganik innaallagissiorfiup allilerneqarnissaa VVM-imi Naalakkersuisunit akuerineqarpoq. Tassunga atatillugu sanaartugassap pisussap, Utoqqarmiut Kangerluarsunnguanni innaallagissiorfiup nangissutigisaani inissinneqassasoq eqqarsaatigineqaaqqaaraluartup, sanaartornissaanut ingerlannissaanullu atugassarititaasut arlallit suliarineqarput.

Utoqqarmiut Kangerluarsunnguanni innaallagissiorfimmi pisinnaasat annertusitinnissaannut, Kang-ip kangisissortaani sapusiaq pioreersup piiarnissaanut, aqqusersuutiniq nutaanik pilersitsinissamut, sulinermi

<sup>1</sup> Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, 27. marts 2013-imeersoq

tammaarsimaarfiup allamut inissinneqarnissaanut il.il. atatillugu, erngup nukinganik innaallagissiorfiup inissiffissaanut nutaamut, suliassap allannguutai pingaarnerit tunngassuteqarput.

Nalunaarutiginninneq nassiunneqartoq, suliassap allannguutissaasa nalunaarutigineqartut malitsigisaannik sunniisinnaanerup sukumiisumik nalilersorneqarneranik imaqartoq, Naalackersuisoqarfiup maluginiarpa. Tassani allassimavoq suliassap allannguutai, VVM-imut akuerineqareersumut sanilliullugu, pingaartumik ilaatinneqartunut pinngortitamut, tatsini uumassusilinnut aamma imermut tunngasunut sunniisussaasut, tassani naliliisoqarluni sunniinissaq sanaartukkap nutaap ingerlanneqarnerata nalaani annikitsumiit akunnattumut allanngussasoq.

Qinnuteqaammi tunngavissaatinneqarpoq, atugassarititaasut suliassaaqaartumut VVM-imi akuerineqartumi aalajangersarneqartut, suli atuuttut aammalu suliassap allannguutissai nalunaarutigineqartut uunga ”*Nuummi erngup nukinganik innaallagissiorfiup, Utoqqarmiut Kangerluarsunnguanni innaallagissiorfiup, allilerneqarnissaanut VVM-imik akuersissuteqarneq, 18-12-2023*” tapiliussassatut isigineqartut.

Naalackersuisoqarfik naliliivoq, suliassap allannguutaannik atuutilersitsinermi atugassarititaasut atuuttut iliuusissallu allassimasut, tamakkiisuusut. Avatangiisinut tunngasortai, taakkununggalu sunniisussat naatsorsuutigineqartut, akunnattumik avatangiisinut sunniisussatut pingaaruteqanngitsutut, nalunaarutiginninnermi nalilerneqarput. Tamatuma saniatigut sumiiffimmi avingarusimasumi inissisimasumi avatangiisinut sunniinissat naatsorsuutigineqartut najukkamiittussatut isikkoqarput.

Tassunga ilanngunneqassaaq, ataavartumik mingutsitsinngitsumik nukissiamik atuinermi pilersuinerup isumannaatsuunissaata, aalajangiinermi matumani annertuumik pingaaruteqarnera, pingaartinneqarmat.

## **Aalajangiineq**

Nuummi erngup nukinganik innaallagissiorfiup allilerneqarnera - Utoqqarmiut Kangerluarsunnguanni innaallagissiorfik pillugu suliassap allanngortinneqarnera VVM-inut nalunaarut naapertorlugu VVM-imik pisussaaffeqalersi **inngilaq**.

### *Aalajangiinermut tunngavilersuutit*

VVM-imi suliassamut ”Utoqqarmiut Kangerluarsunnguanni innaallagissiorfiup allilerneqarnissaa” tunngatillugu Isortuarssup tasiata (ISTA) aamma Kangerluarsunnguup Tasersuata (KANG) akornanni sulluliamut aqquataasussamut nangissutigalugu nutaamik erngup nukinganik innaallagissiorfiliornissamut (HPP3) tunngatillugu NunaGreen-ip suliassap allanngortinneqarnissaanik nalunaarutiginninnera, suliassap allannguutaasa avatangiisinut sunniinissat naatsorsuutigineqartut VVM-imik pisussaaffeqalersitsissanersut, nalilersorniarlugu suliarineqarpoq.

Utoqqarmiut Kangerluarsunnguanni innaallagissiorfiup allilerneqarnissaa sanaartugassaavoq VVM-imi akuerineqareersoq, taamaattumillu suliassap allannguutissai imminermanni VVM-imi pisussaaffiliinersut nalilersorneqarnissaa siunertaralugu, takuuk VVM-inut nalunaarummi § 5, imm. 2, suliassami allannguutissat VVM-imut maleruagassat naapertorlugit nalunaarutigineqartussaapput.

Suliassap allannguutaanni annertunerpaani ilaapput, erngup nukinganik innaallagissiorfimmik sumiiffimmi nutaami sananissaq, tassani innaallagissiorfiup allilerneqarnissaa siusinnerusukkut Utoqqarmiut Kangerluarsunnguanni innaallagissiorfiup pioreersup allissutaatut eqqarsaatigineqarsimalluni. Tamatuma saniatigut nalunaarutiginninnermi allassimavoq, Kang-ip kangisinnerusortaani sapusiaq pioreersoq peerneqassasoq, taamaaliornermi Amerallip kangerluanut aallaqqaammut kuunnera pilerseqqinneqassalluni. Suliassap allannguutai taakkua, sanaartornerup ingerlatsinerullu nalaanni avatangiisinut sunniisinnaasunik, suliassami nutaanik arlalinnik suliniuteqarnissamik, malitseqartussaapput.

Suliassap allanngortinnissaata nalunaarutigineqarneranut atatillugu, sanaartornerup nalaanni ingerlatsinermilu avatangiisinut sunniissanut nalilersuineq annertoq suliarineqarpoq, ilanngullugu ilassutaasumik misissuinerit, allannguutissat nalunaarutigineqartut atuutsinneqalernerannut atatillugu avatangiisinut annertuumik sunniisoqassanersoq nalilersuinissamut, kinnerit siaruarsimanerannut qarsutsinernullu, nipiliornernut, kiisalu naasoqassutsimut erngup naqitsineranik 3D-inik naatsorsuineranut tunngassuteqartut.

Suliassap allanngortinnissaata nalunaarutigineqarnera, suliniutissanut sanaartornerup ingerlatsinerullu nalaanni avatangiisinut sunniisinnaasunut, tunngassuteqarpoq. Pingaarnertigut isigalugu avatangiisinut nalilersueqqaarnerit amerlanersai allannguuteqanngillat, taamaattumillu Utoqqarmiut Kangerluarsunnguanni innaallagissiorfiup allilerneqarnissaanut VVM-imi akuerineqartumi atugassarititaasut suli atuupput. Taamaattumik nalunaarutiginninnermi silap pissusaanut, isumalluutinik atuinissamik imaanilu avatangiisinik naliliineq ilaatinneqanngilaq.

Suliassap allannguutaasa nalunaarutigineqartut sanaartornermik suliaqarnerup siunissamilu ingerlatsinissap nalaanni avatangiisinut sunniinissai, avatangiisini ilaasunut matuma kinguliani allassimasunut tunngatillugit nalilersorneqarput:

- 1) Nunami pinngortitaaq
- 2) Naasoqarnera aamma uumasut
- 3) Tatsini uumassusillit
- 4) Mingutsitsineq nipiliornerlu
- 5) Sumiiffiup najukkani atorneqarnera /Kulturikkut oqaluttuarisaanermi soqutigisat
- 6) Imeqarnermut tunngasut

## 7) Imikoorut

Ataatsimut isigalugu naliliisoqarpoq suliassap allannguutai pingaaruteqanngitsuniit akunnattumik avatangiisinut sunniinermik kinguneqartussaasut. VVM-imut akuersissuteqarnermut atuuttumut sanilliullugu isigalugu allannguutit annertunerpaartai, nunami pinngortitamut, tatsini uumassusilinnut imeqarnermullu tunngasunut, tunngassuteqarpoq. Tassani naliliisoqarpoq, avatangiisinik sunniineq ingerlatsinerup immikkoortuata pisussap nalaani annikinnerusuniit akunnattunut annertusitinneqartussaasoq. Tamatumunnga tunngavigineqartoq tulliuttuni erseqqinnerusumik nassuiarneqarpoq.

### *Erngup nukinganik innaallagissiorfiup inissiffissaa nutaaq*

Erngup nukinganik innaallagissiorfiup (HPP3) tatsit Ista aamma Kang akornanni sulluliap aqutaasussap toqqaannartumik nangissutaani allami inissinneqarnissaa, sanaartornerup immikkoortuani aamma ingerlatsinerup immikkoortuani arlalinnik suliassap allangortinneqarneranik kinguneqartussaavoq. Taamaalilluni taamatut allangortitsinerup malitsigisaanik, sulisut tammaarsimaarfissaat pingaarneq inunnut 100-t missaannut inissaqartitsiviususaaq, sumiiffimmi akornusersorneqanngitsumi nunap timaani pilersinneqartussaavoq. ukiunut arlalinnut sulisunut tammaarsimaarfissamik pilersitsinermi, aqqusinernik sulinermi atorneqartussanik sanaartornermi aammalu ujaqqanik inissiisarnermi, sanaartornermik suliaqarneq najukkami naasunut uumasunullu toqqaannartumik sunniisussaavoq. Ilassutaasumik naasoqassutsimik misissuinermi, sumiiffinni sanaartornerup nalaani kalluarneqartussatut naatsorsuutigineqartuni uumassusilinnik eqqissisimatitaasunik takusaqartoqanngilaq.

Aammattaaq allami inissiinerup malitsigisaanik Utoqqarmiut Kangerluarsunnguanniit sumiiffimmut sanaartorfiumut angalasut amerlanerulertussaapput. Sanaartornerup immikkoortuata ingerlanerani sulisut tammaarsimaarfianniit imikoorummi inuussutissat akui kuutsinneqartussaapput, tamannalu quajaatit naasarnerrannut silaannarmillu atuinermut sumiiffinni sunniteqarsinnaavoq, taamaattoq takorloorneqarpoq kinnernut suliarinnittarfimmik atuisoqassasoq, tamannalu Kang-imut inuussutissat tarajuinik kuutsitsisarnermik annertuumik annikillisisusissaavoq.

Qaartiterutissat suussusai annertussusissaalu pillugit maannakkorpiaq paasissutissanik tigumminnittoqanngilaq. ANFO atorneqassappat, tamanna pinngortitamut kuutsitsiviusumut inuussutissat akuinik kuutsitsinermi avatangiisinut sunniisinnaavoq. Qaartiterutissanik akuukkanik atuneq, sanaartornermut aningaasartuutit annertuumik annertusitinnagit, avatangiisinut sunniinerlunnissamik annikillisisusinnaavoq. Taamaattumik avatangiisit eqqarsaatigalugit qaartiterutissat akuukkat inassutigineqarput.

Timmissat aamma tutut, sanaartornerup immikkoortuani nipiliornernut ingerlatalu annertunerulernerannut atatillugu, neriniartarfimminnit nunap timaanut ungasinnerusumut qimaatinneqartut misigineqarsinnaavoq.

Nalunaarutiginninnermut tapiliussatut nipiliornernik pisuusaartitsisoqarpoq, tammaarsimaarfimmiit aammalu sullumik aqquataasussamik sanaartornermi piffissami pineqartumi > 50 dB annertussuseralugu nipiliortoqartussaasoq tassani takutinneqarluni. Nipiliorneq pingaartumik taseq Kang qaangerlugu nunaminertap 30 km<sup>2</sup>-inik annertussusillip iluani pisussaavoq. Sunniinissaq sanaartornerup immikkoortuani annikinnerusussaasoq naliliisoqarpoq.

Inissiivissami nutaami sunniisussat annertunerpaat ilaat tassaavoq, HPP3-imiit Utoqqarmiut Kangerluarsunnguanni innaallagissiorfimmit pioreersumit ikkussisarfissamut nutaamut (koblingsstation) 40 km missaannik takitigisumik silaannarmi nivingasumik aqqusersuutunik pilersitsinissaq. Nuummuk nukissiamik ingerlaartitsineq pilersuiffiit pioreersut aqutigalugit ingerlanneqassaaq. Napparutit ikkussiviusussat kabelillu silaannarmi nivingasut nunami pinngortitami sunniinermi kinguneqartussaapput aammalu akunnattumik annertussuseqartussatut nalilerneqarlutik. Oqaatigineqarpoq suliassap sumiiffia kalluarneqartussaavim avingarusimasumiittoq aammalu najukkamiittutut isikkoqartussaasoq. Taamaattumik innuttaasut amerlasuut annikitsuinnarmik kalluarneqartussaasut naatsorsuutigineqarpoq.

Kinnerit siaruarnissaannut qarsutsinissamullu naqitsineq atorlugu 3D-inik pisuusaartitsinerit ilassutaasut takutippaat, Ispa-miit Kang-imut imermik ingerlaartitsinerup malitsigisaanik kinnerit seqummaalasut katersuunnerulertussaasut naatsorsuutigineqartoq. Pisuusaartitsilluni naatsorsuinnermi Kang-imi kinnermik seqummaalasunik naliliinissamut tunngavissat pitsaanerulersinneqarput aammalu suliassap allanngortinneqarnerani sunniinerup annertussusissaa maannakkut akunnattutut nalilerneqarpoq, tassani VVM-imut nassuiaammi akuerineqareersumi tatsini uumassusillit imeqartullu annikinnerusumik sunnerneqartussaasut naliliisoqarluni.

Kinnerit seqummaalasut kuutsinnerisa kingunerisaanik, alanngumiilernerup sunniuteqarnera pissutaalluni pingaarnertut amerliartornissanut sunnerneqartussaavoq aammalu eqaluit najukkamiittut annikinnerusumik sunnerneqartussaallutik. Eqaluit taamatut sunniinissamut akiuussinnaassuseqarput. Sunniinissap annertunersaa takuneqarsinnaasunut tunngassuteqartussaavoq, tassami taseq Kang maannakkorpiaq qaammaarissumik imaqarmat, tamannalu sullup aqquataasussap pilersinneqarnerani allanngortussaalluni. Taamatut sunniineq ataavartutut isikkoqartussaavoq.

Atugassarititaappaartut suleriaasissallu VVM-imi akuerineqareersumi akuerineqartut, Eqqagassalerinnermut imikoorummullu, atortussat, uuliap akuutissallu uumaatsut isumannaarnissaannut, kiisalu siunertaanngitsumik kuutsitsisoorluni pisoqarnissaannut upalungaarsimanermut il.il. tunngassuteqartut, suli atuutiinnassapput.

Allassimavoq suliassap allannguutaasa atuutsinneqalerneranni 755 GWh-inut sakkortunerulersinneqartussaasoq naatsorsuutigineqartoq, maannakkut sakkortussusaa 255 GWh-niilluni. VVM-imi akuerineqareersumi sakkortussusaa 660 GWh-iniissasoq naatsorsuutigineqarpoq, annertunerulersinnissaa

periarfissaqarluni. Aallaqqaataaniit 755 GWh-inik sakkortussusilimmik sanaartornissamat pilersaarusiortoqarnera, Nuummut nukissiaq ataavartoq mingutsitsinngitsoq atorlugu pilersuinerup isumannaatsuunerata siunissami attanneqaannarnissaanut suliniutitut neriulluarnartutut isigineqarpoq.

### *Sapusiap atorunnaarsinneqarnissaa*

Kang-ip kangisissortaani sapusiaq pioreersoq iluarsaanneqartussaavoq aammalu naliliisoqarpoq sapusiap peerneqarnissaa naapertuunerpaassasoq. Tatsimit Ispamit erngup ingerlaartinneqalernissaata pilersinneqarnerani Kang-imi erngup annertussusaa ukiut arlallit ingerlaneranni pilerseqqinneqartussaavoq. Sapusiap peerneqarnerata kingunerisaanik kuummut Naajat Kuuannut Amerallip kangerluanut kuuttumut, aallaqqaammut kuuttarnera pilerseqqinneqartussaavoq. Tamatuma kingorna kuuttumut imeq kuuginnalertussaavoq, taamaaliornermi sumiiffik ilusereqqaagaanut pissusiviusuni utertinneqartussaalluni, tamannalu nunami pinngortitap isikkuanut tunngatillugu neriulluarnartutut isigineqarpoq.

Naajat Kuuannut kuup kuuffianut erngup kooqqilerneranut atatillugu Qoororsuaq 2008-mi eqqissisimatitsinermut aalajangersakkami pineqartunut ilaatinneqalersoq, killilimmik sunnerneqartussaavoq. Taamatut pisoqarnissaa immikkuullarilarpoq, tassami eqqissisimatitsilerneq Utoqqarmiut Kangerluarsunnguanni innaallagissiorfiup 1993-imi pilersinneqarnerata ingerlanneqarneratalu kingorna atuutilermat, tassani Kang kangimuinnaq sapusiorneqareersimalluni.

Naqitsineq atorlugu ilassutaasumik pisuusaartitsilluni naatsorsuinerit takutippaat, Naajat Kuuannut sionatigut kunnerrata pilerseqqinneqarnera sumiiffiup eqqissisimatitaasup kangisissortaata ilaa annikitsoq kalluarneqartussaasoq. Tassani eqqissisimatitsinerup atuutsinneqalernerana sioqqullugu inissisimanermit utertitseqqittussaaneq pineqarmat, suliassap allannguutaa taanna eqqissisimatitsinermit aalajangersakkat iluanniitinneqarsinnaassasoq naliliisoqarpoq. Qanoq pisoqaraluarpalluunniit Kang-imiit pinngortitamissusissamisoortumik kunnerrata pilerseqqinneqarnissaa avatangiisinut pitsaasutut isikkoqartoq, naliliisoqarpoq.

Sapusiaq maannakkut Kang-imi erngup apparsimanera pissutaalluni annertunerpaatigut paqqersimavoq aammalu peerneqarnissaa suliassatut annikinnerusutut, prammimiit pisariitsumik immaqalu qulimiguulimmit ikiorserneqarluni suliarineqarsinnaasutut isigineqarpoq. Sunniutaasinnaasut avatangiisaannut pissusiviusuni pingaaruteqanngitsumik sivikitsuinnarmik pissusaapput.

Sapusiap sannaasa sumiiffimmi qanittumi naleqquttumi ataavartussamik inissinneqarnissaat, nalunaarutiginninnermi qinnutigineqarpoq. Inissiivissaq sapusiap pioreersup kitaani 100 meterit missaannik ungasissusilimmi pilersinneqartussatut takorloorneqarpoq aammalu 22.500 m<sup>2</sup>-inik nunaminertaqarnissaa naatsorsuutigineqarluni. Inissiivik pingaartumik tatsip

tungaaniit ersittussaavoq, aammalu ullumi tamaani nunami pinngortitami ersittussatut nalilerneqarluni, kisianni annikitsuinnarmik.

### *Oqaaseqaatit*

Naalackersuisoqarfiup maluginiarpa Naajat Kuuanut siornatigut kuussimanerata pilerseqqinneqarnera, qanoq pisoqaraluarpulluunniit, avatangiisinut pitsaasunik sunniuteqartussaasoq. Utoqqarmiut Kangerluarsunnguanni innaallagissiorfiup maannakkut atorineqartup ingerlanneqarnerata malitsigisaanik Kang-ip erngata killinga apparsimavoq, taamaalilluni sapusiaq ullumikkut nuisimalluni. Erngup apparsimanagera tatsip naqqani naasoqarneranut tatsillu naqqani uumasunut toqqaannartumik sunniisussaavoq. Ista-miit Kang-imut erngup kuutsinneqaleranerani erngup killinga ukiorpassuit ingerlaneranni annertussusereqqaakkaminiilertussaasoq naatsorsuutigineqarpoq. Oqaatigineqarpoq erngup nukinganik innaallagissiorfissap ingerlanneqarnera, tatsimi Ispa-mi erngup annertuumik apparnissaata pinngitsoortinnissaa siunertaralugu, pisariaqartoq.

Nalunaarutiginninneq tiguneqartoq VVM-imi akuerineqareersumi nalilersuinerit, suliassap allanngortinneqarnerani sunnerneqarsinnaanerannut nalilersuinerimik, kiisalu qulequttanik akuersissutaaqqaartumi ilaatinneqanngitsunik nalilersuinerimik nutaanik, imaqarpoq. Naalackersuisoqarfik naliliivoq, nalunaarutiginninnermut atatillugu najoqqutassat tiguneqartut, VVM-imut akuerineqartumut ilassutitut tamakkiisutut isigineqarsinnaasut. Suliassaaqqaartumi "Nuummi erngup nukinganik innaallagissiorfiup, Utoqqarmiut Kangerluarsunnguanni innaallagissiorfiup, allilerneqarnissaanut VVM-imik akuersissuteqarneq", 18-12-2023, akuersissuteqarnermut atugassarititaasut aalajangersarneqartut suli atuupput.

Nukissiaq ataavartoq mingutsitsinngitsoq atorlugu Nuummumut siunissami pilersuinerup isumannaatsuutiinnarnissaata pingaaruteqarnera, Naalackersuisoqarfiup aalajangiinnermini pingaartippaa. Suliassap allannguutaata nalunaarutigineqartut malitsigisaannik avatangiisinut sunniinissat naatsorsuutigineqartut, tamarmik pingaaruteqanngitsuniit akunnattutut isikkoqartussatut nalilerneqarput. Tamatuma saniatigut, pingaartumik sumiiffinni inoqanngitsuni, sukisaarsaarluni ingerlataqarnerit piniarnerillu killeqarlutik, suliassap allannguutai pingaarnerpaat suliarineqartussaapput.

Nalunaarutiginninnermi najoqqutassat aammalu tassani avatangiisinut nalilersuinerit, avatangiisinut nalilersuinerit VVM-imut nassuiaammi nalilersorneqartunut ataqatigiissillugit, tunngavigalugit Naalackersuisoqarfik naliliivoq, suliassap allannguutai annertuumik avatangiisinut sunniinerimik malitseqassanngitsut. Suliassap allannguutai annertuumik avatangiisinut sunniinerlunnernik malitseqartussaannimmatt, suliassap allannguutai VVM-inut nalunaarut naapertorlugu VVM-imik pisussaaffiliinngillat.

## Tamanut saqqummiussineq aamma naammagittaalliornissamut ilitsersuut

VVM-inut nalunaarummi §§ 22 aamma 23 naapertorlugit Nunalerinermut, Imminut Pilersornermut, Nukissiutitut Avatangiisinullu Naalackersuisup aalajangiineq uani [www.naalackersuisut.gl](http://www.naalackersuisut.gl) kiisalu nuna tamakkerlugu najukkanilu tusagassiuutini tamanut saqqummiissaaq.

Avatangiisinik allanngutsaaliuinissamut inatsimmi<sup>2</sup> § 60, imm. 1 naapertorlugu aalajangiineq, Avatangiisit Innarlitsaaliorneqarnissaat pillugit Naammagittaalliuuteqartarfimmut, VVM-inut nalunaarummi § 33 naapertorlugu Naalackersuisunit pilersinneqartumut, naammagittaalliuutigineqarsinnaavoq.

Avatangiisinik allanngutsaaliuinissamut inatsimmi § 60, imm. 2 naapertorlugu naammagittaalliorsinnaatitaapput:

- Aalajangiiffigineqartoq
- Nunatsinni Nakorsaaneqarfik
- Kinaluunniit suliap qanoq naammassineqarnissaanut nammineq immikkut annertuumillu soqutigisaqartoq
- Peqatigiiffiit suleqatigiiffiillu, malittarisassatik naapertorlugit nunanik peqqissarfiullutik qasuersaarfiusartunik, avatangiisinik pinngortitamillu annertuumik soqutigisanik isumagisaqarnissamik siunertaqartut

Naammagittaalliornissamut killigitinneqarpoq, avatangiisinik allanngutsaaliuinissamut inatsimmi § 60, imm. 3 naapertorlugu aalajangiinerup nalunaarutigineqarnerata ullua aallarnerfigalugu sapaatit akunneri 6-it.

Naammagittaalliuussagaanni taanna uunga tunniunneqassaaq:

Nunalerinermut, Imminut Pilersornermut, Nukissiutitut Avatangiisinullu  
Naalackersuisoqarfik  
Imaneq 1A  
Postboks 1614  
3900 Nuuk  
E-mail: [pan@nanoq.gl](mailto:pan@nanoq.gl)

Naalackersuisoqarfiup tamatuma kingorna naammagittaalliutaasoq Avatangiisit Innarlitsaaliorneqarnissaat pillugit Naammagittaalliuuteqartarfimmut, najoqqutassat suliami naliliinermi ilaatinneqartut ilanngullugit, nassiutissavaa. Peqatigisaanik suliami naammagittaalliuummik tigusaqartoqarsimasoq, suliami pineqartut paasissutissinneqassapput.

Naammagittaalliuuteqartarfiup aalajangiinera allaffissornikkut oqartussamut allamut suliakkiunneqarsinnaanngilaq, takuuk avatangiisinik allanngutsaaliuinissamut inatsimmi § 60, imm. 4.

---

<sup>2</sup> Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersaq




Naalakkersuisut allatut aalajangiisimangippata, avatangiisinik allanngutsaaliuinissamut inatsimmi § 63, imm. 1 naapertorlugu, tamat naammagittaalliornerat piffissami Avatangiisit Innarlitsaaliorneqarnissaat pillugit Naammagittaalliuuteqartarfiup naammagittaalliuutinik suliarinninnerani, kinguartitsinermik sunniuteqassanngilaq.

naammagittaalliornissamut killigitinneqartup naanissaa sioqqullugu illuliorluni sanaartorlunilu suliaqarnerit aallartinneqaqqusaanngillat, takuuk Avatangiisinik allanngutsaaliuinissamut inatsimmi § 64, imm. 1.

Aalajangiineq, aalajangiinerup nalunaarutigineqareernerata kingorna qaammatit 6-it iluanni eqqartuussivinnut suliakkiissutigineqarsinnaavoq, takuuk avatangiisinik allanngutsaaliuinissamut inatsimmi § 65.

Inussiarnersumik inuulluaqqusillunga



Natuk Lund Meire

Naalakkersuisoqarfimmut pisortaaneq

Nunalerinermut, Imminut Pilersornermut, Nukissiutinut Avatangiisinullu

Naalakkersuisoqarfik